

書云少帝昏狂宜別立賢者奈何行弑足下既有賊宋之心吾敢捐包胥之節攸之有書數十行韜兩襁角云是明帝與已約誓即舉兵妾崔氏等諫止攸之指兩襁角示之攻郢城屢為柳世隆所破衆散不可制時江陵已為張敬兒所據攸之至華容之鱣頭林自經歿

游汶

字魯望宋丞相侶之孫宋咸淳中歷江西福建提點刑獄賈侶道當國時事大非汶與論

世事至於流泣德祐丙子元兵下江南幼主北狩汶遂抗節不仕召為福州總管堅辭不就所衣一布袍書其背曰前宋遺民大元百姓不問燕居敘會晴雨寒暑未嘗脫解論者謂當與鄭所南等同傳卒塋於其祖所營假山之陽

徐俊

字英文少有節槩以明經為國子生咸淳中憤時宰之誤國率六館諸生葉李等抗疏乞

斬賈似道疏三上不報繼為提舉迨宋亡遁於林野志不再仕元至元中累召不起言及宋故